



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-07/01-04-41207-8/25
Sarajevo, 07.10.2025.

Na osnovu člana 7., 8. i 9. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 23/03, 34/03 i 65/13), člana 36. Okvirnog zakona o predškolskom odgoju i obrazovanju u Bosni i Hercegovini („Službeni glasnik BiH“, broj: 88/07), čl. 25. i 34. Zakona o ustanovama („Službeni list RBiH“, br. 6/92, 8/93 i 13/94), čl. 24. stav (1), 46. i 50. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08, 21/09, 33/21 i 31/22), člana 7. Pravilnika o izboru i imenovanju upravnih i nadzornih odbora predškolskih ustanova Kantona Sarajevo („Službene novine Kantona Sarajevo“, broj: 3/11) i tačke V Odluke o standardima i kriterijima za nominovanje/imenovanje na poziciju predsjednika i članova Upravnog i Nadzornog odbora Javne ustanove „Djeca Sarajeva“ Sarajevo, čija konačna imenovanja vrši Vlada Kantona Sarajevo („Službene novine Kantona Sarajevo“, br. 3/11 i 14/23), raspisuje se

JAVNI OGLAS

za izbor i imenovanje predsjednika i članova Nadzornog odbora i predsjednika i člana Upravnog odbora u Javnoj ustanovi „Djeca Sarajeva“ Sarajevo, čija konačna imenovanja vrši Vlada Kantona Sarajevo

I

U **Nadzorni odbor Javne ustanove „Djeca Sarajeva“ Sarajevo** (u daljem tekstu: Ustanova) bira se:

1. Predstavnik Ministarstva za odgoj i obrazovanje Kantona Sarajevo (predsjednik) – 1 član,
2. Predstavnik općine u kojoj je sjedište Ustanove (Općina Centar) – 1 član,
3. Predstavnik stručnih radnika – 1 član.

U **Upravni odbor Ustanove** bira se:

1. Predstavnik Ministarstva za odgoj i obrazovanje Kantona Sarajevo (predsjednik) – 1 član,
2. Predstavnik roditelja/ staratelja – 1 član.

II

Nadzorni odbor Ustanove, pored poslova utvrđenih zakonom, obavlja i sljedeće poslove: vrši kontrolu finansijsko - materijalnog poslovanja ustanove, analizira izvještaje o poslovanju ustanove, obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača/Ministarstvo za odgoj i obrazovanje Kantona Sarajevo (u daljem tekstu: Ministarstvo), Upravni odbor i direktora o rezultatima nadzora.

Upravni odbor Ustanove, pored poslova utvrđenih zakonom, obavlja i sljedeće poslove: donosi pravila ustanove, imenuje i razrješava direktora, donosi planove rada i razvoja, donosi godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima ustanove, odlučuje o svim pitanjima obavljanja djelatnosti radi kojih je ustanova osnovana, usmjerava, kontrolira i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima ustanove, odgovara osnivaču za rezultate rada ustanove, donosi odluku o raspisivanju konkursa za izbor zaposlenika, odlučuje o

žalbama po konkursu, odlučuje o prigovoru zaposlenika na rješenje o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju ustanove, razmatra plan upisa djece, razmatra rezultate predškolskog odgoja i obrazovanja, odlučuje o prigovoru roditelja na rad i odnos zaposlenika prema djeci, obavlja druge poslove u skladu sa zakonom i pravilima predškolske ustanove.

III

(1) Za predsjednika i člana Nadzornog odbora/Upravnog odbora u Ustanovi može biti nominovan/imenovan kandidat koji ispunjava sljedeće opće uvjete:

- a) da je stariji od 18 godina;
- b) da je državljanin Bosne i Hercegovine;
- c) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije,
- d) da se na tog kandidata ne odnosi član IX 1. Ustava Bosne i Hercegovine,
- e) da nije osuđivan za krivično djelo i za privredni prestup nespojiv sa dužnošću u Nadzornom odboru/Upravnom odboru Ustanove,
- f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine „Službeni glasnik BiH“, br. 16/02, 14/03, 12/04, 63/08 i 18/12),
- g) da nije nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka).

(2) Pored navedenih općih uvjeta, kandidat koji se nominuje/imenuje za poziciju predsjednika i člana Nadzornog odbora/Upravnog odbora Ustanove treba da ispunjava i sljedeće posebne uslove:

- a) da posjeduje univerzitetsku diplomu,
- b) najmanje 5 (pet) godina radnog staža u struci,
- c) da nema privatni finansijski interes u Ustanovi u čiji se Nadzorni odbor/Upravni odbor imenuje,
- d) da nije direktor odnosno pomoćnik direktora predškolske ustanove,
- e) da nema status roditelja/staratelja djece korisnika usluga Ustanove, odnosno stručnog radnika Ustanove (za kandidata za predsjednika Nadzornog odbora/Upravnog odbora i člana Nadzornog odbora-predstavnika Općine Centar),
- f) da ima status roditelja/staratelja djece korisnika usluga Ustanove (za kandidata za člana Upravnog odbora-predstavnika roditelja/staratelja),
- g) da ima status stručnog radnika Ustanove (za kandidata za člana Nadzornog odbora),
- h) da nije u bilo kakvoj rodbinskoj vezi do drugog stepena sa bilo kojim članom Nadzornog odnosno Upravnog odbora ili bilo kojim zaposlenim u Ustanovi,
- i) da nema sudski dosije koji ga čini nepodobnim za članstvo i rad u Nadzornom odboru/Upravnom odboru,
- j) da nije lice koje je zaposleno na drugoj izbornoj poziciji koja može utjecati na eventualni sukob interesa.

IV

Predsjednika i članove Nadzornog i Upravnog odbora Ustanove imenuje Vlada Kantona Sarajevo i to na način da se prijave kandidata prosljeđuju relevantnim strukturama kako slijedi:

- prijave kandidata za predstavnika roditelja/staratelja prosljeđuju se Vijeću roditelja u Ustanovi, a prijave za kandidata za predstavnika stručnih radnika Ustanove prosljeđuju se Stručnom vijeću odgajatelja,
- prijave kandidata za predsjednika Nadzornog i Upravnog odbora prosljeđuju se Ministarstvu,
- prijave kandidata za predstavnika lokalne zajednice prosljeđuju se načelniku općine na čijem području je sjedište Ustanove (Općina Centar).

Sve informacije o toku postupka kandidovanja su transparentne, osim ako informacije o podnosiocima prijava nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

Postupak izbora provodi se u skladu sa odredbama Zakona o ministarskim, vladinim i drugim imenovanjima Federacije Bosne i Hercegovine („Službene novine F BiH“, broj: 23/03, 34/03 i 65/03), Okvirnog zakona o predškolskom odgoju i obrazovanju u Bosni i Hercegovini („Službeni glasnik BiH“, broj: 88/07), Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08, 21/09, 33/21 i 31/22), Pravilnika o izboru i imenovanju upravnih i nadzornih odbora predškolskih ustanova Kantona Sarajevo („Službene novine Kantona Sarajevo“, broj: 3/11) i Odluke o

standardima i kriterijima za nominovanje/imenovanje na poziciju predsjednika i članova Upravnog i Nadzornog odbora Javne ustanove „Djeca Sarajeva“ Sarajevo („Službene novine Kantona Sarajevo“, br. 3/11 i 14/23), koju je donijela Vlada Kantona Sarajevo.

Vlada Kantona Sarajevo osigurat će da se izvrši i javno objavi konačno imenovanje na poziciju predsjednika i članova u Nadzornom odboru i predsjednika i člana u Upravnom odboru.

Zainteresirana stranka može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi istovremeno Vladi Kantona Sarajevo i Ombudsmenu Bosne i Hercegovine.

V

Prijavljivanje se vrši putem prijavnog obrasca koji se može preuzeti u šalter-sali Kantona Sarajevo (ul. Reisa Džemaludina Čauševića br. 1 Sarajevo) ili na web stranici Ministarstva za odgoj i obrazovanje Kantona Sarajevo <http://www.mo.ks.gov.ba>.

Uz **svojeručno potpisani prijavni obrazac**, kandidat treba priložiti:

1. Biografiju,
2. Univerzitetsku diplomu (nostrifikovanu/priznatu diplomu, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine);
3. Uvjerenje o državljanstvu (ne starije od 6 mjeseci);
4. Potvrdu/uvjerenje o radnom stažu u struci - najmanje pet godina radnog staža u struci (nakon sticanja VSS) - potpisano i ovjereno od strane poslodavca) ili uvjerenje o podacima registrovanim u matičnoj evidenciji osiguranika (FZ MIO-PIO);
5. Potpisano Izjavi o ispunjavanju uvjeta (dokaz tačke III), ovjereno od strane nadležne općinske službe (dostupna na web stranici Ministarstva);
6. Obrazac za pitanja o eventualnom postojanju sukoba interesa (dostupan na web stranici Ministarstva).

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Prijavu sa dokumentacijom kandidat dostavlja lično ili poštom preporučeno, na sljedeću adresu: Ministarstvo za odgoj i obrazovanje Kantona Sarajevo, ul. Reisa Džemaludina Čauševića br. 1 sa naznakom: „Javni oglas za izbor i imenovanje predsjednika i članova Nadzornog odbora i predsjednika i člana Upravnog odbora u Javnoj ustanovi „Djeca Sarajeva“ Sarajevo, čija konačna imenovanja vrši Vlada Kantona Sarajevo - ne otvarati, otvara Komisija“.

Dokumentacija dostavljena na Javni oglas se ne vraća.

Predsjednik i članovi Nadzornog i Upravnog odbora će svoju dužnost obavljati na dobrovoljnoj osnovi i bez bilo kojeg vida nadoknade.

Javni oglas će biti objavljen u dnevnom listu „Oslobođenje“ i u „Službenim novinama Federacije Bosne i Hercegovine“ i ostaje otvoren petnaest (15) dana od dana posljednjeg javnog objavljivanja.

Nepotpune i neblagovremene prijave neće biti razmatrane.

Napomena: Tekst Javnog oglasa, prijavni obrazac, obrazac izjave i obrazac za pitanja o eventualnom sukobu interesa dostupni su i na web stranici Ministarstva za odgoj i obrazovanje Kantona Sarajevo (www.mo.ks.gov.ba) i na web stranici Javne ustanove „Djeca Sarajeva“ Sarajevo.

MINISTRIČA

Naida Hota-Muminović, s.r.